

आकाशवाणी जयपुर-अजमेर
प्रादेशिक समाचार
दिनांक 12.10.2025 समय:18.45 बजे

- केन्द्रीय गृह मंत्री अमित शाह काले जयपुर मांय नुवां आपराधिक कानूनां रे एक बरस पूरा होणे रे उपलक्ष मांय राख्यी ज्या जळसा मांय भेळा व्हेलां
- प्रदेश मांय बारां ज़िला रे अंता विधानसभा खेतर मांय होवण वाळा उपचुनाव ने ले र तैयारियां जोरा माथे-अधिसूचना काले जारीं
- ऊर्जा मंत्री हीरालाल नागर कह्यो -राज्य सरकार ऊर्जा उत्पादन बधाणे अर प्रसारण तंत्र ने मजबूत बणावण री दिशा मांय लगेतार काम कर री हैं
- शिक्षा मंत्रालय स्कूलां सूं प्रवेश अर परीक्षा शुल्क लेणे रे खातिर यूपीआई अपणाणे रो कह्यो हैं

000

केन्द्रीय गृहमंत्री अमित शाह रो काले प्रस्तावित जयपुर दौरे ने ले र व्यापक तैयारियां करी जा रही हैं केन्द्रीय मंत्री नुवां आपराधिक कानूनां रे क्रियान्वयन रे एक बरस पूरा होणे रे उपलक्ष्य मांय राख्यी ज्या जळसा मांय भाग लेवण आ रिया हैं आ प्रदर्शनी 18 अक्टूबर तांई चालेलीं इण मांय नुवा आपराधिक कानूनां रे एक बरस रे सकारात्मक बदलाव ने दरसायो जावेलं आज मुख्यमंत्री भजन लाल शर्मा कार्यक्रम स्थल सीतापुरा थापित जे.ई.सी.सी. रो दौरो कर र तैयारियां रो जायजो लियो अर जरूरी दिशा-निर्देश दियां इण रे चालता मुख्य सचिव सुधांश पंत और पुलिस महानिदेशक राजीव शर्मा भी मौजूद रियां मीडिया सूं बातचीत मांय पुलिस महानिदेशक लोकां सूं बत्ती ऊँ बत्ती तादाद मांय इण प्रदर्शनी ने देखणे री अरज करीं

इण रे चालता श्री शाह रो 4 लाख करोड़ रिप्यां रे निवेश प्रस्तावां री ग्राउंड ब्रेकिंग अर 8 हजार करोड़ रिप्यां रे विकास कामां रो शिलान्यास अर लोकार्पण कर्यो जावेलं वठिने बतायो के जळसे मांय 'विकसित राजस्थान-2047' कार्ययोजना रो विमोचन अर 150 यूनिट मुफ्त बिजली योजना रे तैत रजिस्ट्रेशन रो शुभारंभ कर्यो जावेलं

000

केंद्रीय सूचना और प्रसारण मंत्री अश्विनी वैष्णव कह्यो के देश एक बड़े बदलाव रे दौर सूं गुजर रह्यो हैं सिरौही ज़िले रे आबूरोड मांय ब्रह्माकुमारीज संस्था मांय चाल रह्या वैश्विक शिखर सम्मेलन ने वीडियो कॉन्फ्रेंसिंग रे जरिये संबोधित करता थकां वणा कह्यो की वैश्विक परिदृश्य मांय भारत बड़ो स्तम्भ बण र उभर्यो है अर बिने विश्वास रे साथै देख्यो जा रह्यो हैं

श्री वैष्णव कह्यो की विश्व मांय जको आप रो स्वाभाविक स्थान है, बिने हासिल करणे खातिर आपा ने सब ने ताकत लगाणी पडेलीं ब्रह्माकुमारी परिवार ओ ही सिखावे है कि आप देश रे विकास मांय योगदान खातर आप-आप रो जतन करां चार दिन रे इण सम्मेलन मांय कई मंत्री, जनप्रतिनिधि, उद्योग अर फिल्म जगत् री हस्तियां अर समाजसेवी भाग ले रह्या हैं सम्मेलन रो समापन काले व्हेलां

000

प्रदेश रा बारां ज़िला रे अंता विधानसभा खेतर मांय होवण वाळा उपचुनाव ने ले र प्रशासन तैयारियां तेज कर दी हैं आज ज़िला निर्वाचन अधिकारी रोहिताश्व सिंह तोमर अर पुलिस अधीक्षक अभिषेक अंदासु मांगरोल खेतर रा केई मतदान केंद्रां रो जायजो लियो इण रे चालता जिला निर्वाचन अधिकारी चुणाव सूं जुड़योड़ां अहलकारां ने मतदान केन्द्रां माथे पीणे रे पाणी, छाया, प्रकाश अर समुचित साफ-सफाई करणे रा हुकम दिया हैं वणा कह्यो के सगळा अहलकार आप-आप रा खेतर मांय लगेतार जायजो कर र निर्वाचन आयोग रे हुकम रे मुजब व्यवस्थावां पक्की करे ताकि मतदातावां ने किणी भी परेशानी रो सामनो नही करणो पडें ध्यानजोग है के उपचुनाव खातिर अधिसूचना काले जारी व्हेलीं नामांकन दाखिल करने री आखिरी तारीख 20 अक्टूबर रहवेलीं मतदान 11 नवम्बर ने अर मतगणना 14 नवम्बर ने व्हेलीं

000

प्रदेश मांय सहकारिता रे दायरे ने और बत्ती व्यापक बणावण मांय सहकार सदस्यता अभियान चलायो जा रह्यो हैं अभियान रे तैत ग्राम पंचायतां मांय नुवा पैक्स रा गठन कर्या जा रह्या है, वठिने दूजी कानी सहकारी समितियां री सदस्य संख्या मांय तेजी सूं इजाफो हो रीयो हैं

प्रदेश मांय जमीनी स्तर माथे सहकारिता रो नेटवर्क मजबूत होणे सूं बत्ती लोगां तांई जनकल्याणकारी योजनावां री सुचारु पहुंच पक्की हो सकेलीं ध्यानजोग है कि केन्द्र सरकार री कानी सूं हाल ही मांय जारी करीजी नुवी राष्ट्रीय सहकारिता नीति मांय देश मांय सहकारिता रो दायरो और बधावो माथे जोर दियो गयो हैं राजस्थान मांय लगे टके लगभग 8 हजार 700 पैक्स रो मोटो नेटवर्क मौजूद हैं साथ ही राज्य री पैक्सविहीन ग्राम पंचायतां मांय पैक्स गठन री कार्यवाही जारी हैं अबै तांई करीब 5 लाख नुवां सदस्य बणाया जा चुक्या हैं

000

आज विश्व गठिया दिवस हैं इण रो आयोजन गठिया रोग अर इण सूं बचाव रे बारे मांय जागरूकता पैदा करणे रे लगस सूं कर्यो जावे हैं विशेषज्ञां रे मुजब गठिया रे लक्षणां री पहचाण कर इण रो सही इलाज कर्यो जा सके हैं गठिया रे लक्षणां मांय जोड़ा मांय दर्द, सूजन अर जोडां रे आसपास जळण जेड़ा लक्षण भेळा हैं

0000

ऊर्जा मंत्री हीरालाल नागर कह्यो कि राज्य सरकार प्रदेश री जरूरतां ने ध्यान मांय रखता थकां ऊर्जा उत्पादन बधाणे सूं ले र प्रसारण तंत्र ने मजबूत बणाणे री दिशा मांय काम कर री हैं कोटा मांय पत्रकारां सूं बातचीत करता थकां श्री नागर कह्यो के मौजूदा सरकार विरासत मांय जर्जर बिजली तंत्र मिल्यो जका ने वे दुरुस्त कर्यो हैं

.....

श्री नागर कह्यो कि नुवां टैरिफ मांय सगळा विद्युत उपभोक्तावां ने वां री श्रेणी रे मुजब विद्युत शुल्क सूं कमती 35 पीसा सूं 80 पीसा तांई प्रति यूनिट री राहत दी हैं वणा कह्यो की डिस्कोम रे 25 बरस रा इतिहास मांय ओ पैलो मौके है जदे ऊर्जा शुल्क मांय छूट दी हैं

000

भरतपुर रा टेक्नोलॉजी पार्क मांय वन नेशन वन इलेक्शन विषय ने ले र युवा सम्मेलन राख्यो गयो कार्यक्रम रा मुख्य वक्ता भाजपा रा प्रदेश उपाध्यक्ष नाहर सिंह जोधा कह्यो के बार-बार होवण वाळा चुणाव सूं समय अर धन री बर्बादी व्हेली अर विकास री गति प्रभावित होवे हैं वठिने दूजा वक्ता कह्यो के वन नेशन-वन इलेक्शन देश री लोकतांत्रिक प्रणाली ने सुधार करणे री दिशा मांय ऐतिहासिक पहल व्हेलीं युवा सम्मेलन मांय घणी तादाद मांय छात्र अर युवावां सिरकत करीं

000

शिक्षा मंत्रालय राज्यां अर केंद्र शासित प्रदेशां री स्कूलां मांय प्रवेश अर परीक्षा शुल्क लेणे रे खातर यूपीआई अपणाणे रो कह्यो हैं एन.वी.एस. जेडी स्वायत्त संस्थावां ने स्कूली शिक्षा अर साक्षरता महकमो स्कूलां मांय वित्तीय लेनदेन ने सुव्यवस्थित करणे खातिर यूपीआई ने अपणाणे वास्ते जोर दियो हैं डिजिटल भुगतान प्रणाली ने अपणणे सूं पारदर्शिता अर अभिभावकां खातिर स्कूल जाए बिना भुगतान करणे मांय सहजता व्हेलीं मंत्रालय इण बात माथे जोर दियो कि नकद भुगतान सूं डिजिटल भुगतान मांय बदलाव सूं स्कूल प्रशासन रो आधुनिकीकरण व्हेला अर 2047 तांई विकसित भारत लक्ष्य ने बल मिलेगां

000

प्रदेशभर मांय दिन अर रात रे तापमान मांय कमी सूं सुवांरे अर सिंज्यां गुलाबी सर्दी रो एहसास होवण लाग्यो हैं

मौसम केन्द्र जयपुर रे मुजब लारला 24 घंटां मांय केई शहरां मांय कमती तापमान 20 डिग्री सेल्सियस सूं नीचे दर्ज व्ह्यो वठिने दिन मांय आसमान साफ रहणे सूं हळकी गर्मी रो एहसास बण्योड़ो हैं राज्य रा एकमात्र पर्वतीय पर्यटन ठौड़ माउंट आबू मांय भी गुलाबी सर्दी रो असर देख्यो जा रह्यो है और ब्यौरो म्हाका खबरनवीस सूं

.....
मौसम महकमा रे मुजब लारला दिनां व्ही बिरखा रे पाछे वातावरण मांय नमी अर उत्तर-पूर्वी हवावां रे कारणे राज्य रो तापमान सामान्य सूं 2 सूं 7 डिग्री तांई नीचे चाल रह्यो हैं सुखे मौसम रे बीचे पारो गिरणे सूं ठंड रो असर साफ महसूस कर्यो जा रह्यो हैं ध्यान जोग है कि इण बार सर्दी रो मौसम सामान्य सूं थोड़ा पैले दस्तक दे सके हैं नवंबर-दिसंबर मांय मावठ अर शीतलहर रो दौर तेज होणे रा आसार हैं

000

अजमेर हाईवे माथे दुर्घटनाओं माथे रोकथाम खातिर पुलिस महकमां री कानी सूं काले सूं लेन ड्राइविंग अभियान चलायो जावेलां

अजमेर जिला प्रशासन अर पुलिस महकमां कानी सूं चलाया जावण वाळा अभियान रे तैत भारी मोटर वाहन चालकां ने लेन ड्राइविंग सिस्टम जानकारी दी जावेलीं सहायक पुलिस अधीक्षक अजय सिंह बतायो के पांच दिनां तांई जागरूता अभियान रे पाछे यातायात नियमां रो उल्लंघन करण वाळा वाहनां ने सीज़ कर्यो जावेलां

000

जयपुर स्थित सप्तशक्ति कमांड री कानी सूं आज ऑनर रन राखीज्यीं सेना के शौर्य और बलिदान की परम्परा थीम माथे व्ही दौड़ मांय जवान अर पैल्या आळा सैनिक भाग लियों कमांड परिसर थापित स्टेडियम सूं शुरू व्ही आ दौड़ क्वीन्स रोड अर जयपुर मिलिट्री टेशन होता व्ह्या स्टेडियम माथे पूरी व्ही दौड़ ने चीफ ऑफ़ स्टाफ, लेफ्टिनेंट जनरल एच एस वांद्रा खाना कर्यो इण मौके माथे सम्मान जळसो भी राख्यो ग्यो प्रमो रन रो मकसद भारतीय सेना रे वीर सैनिका अर पैल्या आळा सैनिका रे साहस अर बलिदान ने सम्मानित करनो अर आम लोगा मांय फिटनेस, स्वास्थ्य अर राष्ट्रभक्ति री भावना ने बधावो देणो हों

000

विद्यार्थियां मांय वैज्ञानिक दृष्टिकोण विकसित करणे खातर जयपुर रा पांच सरकारी स्कूलां मांय खगोल विज्ञान प्रयोगशाला बणायी ज्यीं जिला प्रमुख रमा देवी चोपड़ा जिले रा गोविंदगढ़ ब्लॉक मांय दो प्रयोगशालावां रो काले उद्घाटन कर्यो

कॉर्पोरेट सामाजिक उत्तरदायित्व सीएसआर रे तैत बणायी ज्यी आ प्रयोगशालावां रे जरिए ग्रामीण खेतरां रा पढेसरियां रे करियर विकास मांय सहायता मिलेलीं प्रयोगशाला मांय 69 आधुनिक उपकरण लगाया गया है जिण मांय अंतरिक्ष, सौर ऊर्जा, नाभिकिय तथा गुरुत्वाकर्षण अर जीव विज्ञान सूं संबंधित किट भेळा हैं

000

पुलिस ने हनुमानगढ़ टाउन मांय डोडा पोस्ट तस्करां रे खिलाफ कार्रवाई करता थकां 31 क्विंटल मादक पदार्थ जब्त कर्या हैं एक ट्रक सूं पकड़ी ज्यी डोडा-पोस्ट री आ खेप पंजाब लायी जा री हीं पुलिस तीन आरोपियां ने हिरासत मांय लियो हैंबरामद डोडा-पोस्ट री कीमत साढे छह करोड़ रुपये आंकी जी हैं वटिने भरतपुर मांय कृषि महकमो नकली खाद रे खिलाफ चलाया अभियान रे तैत कार्रवाई कर र एक दुकान सूं सौ कट्टा डीएपी जब्त करीं कृषि महकमा रा संयुक्त निदेशक सुरेश गुप्ता आ बतायो के आ खाद फसलां रे खातिर हानिकारक हीं

000